

Popola Fronto

INFORMA BULTENO INTERNACIA PRI **HISPANA LUKTO KONTRAŬ LA FAŜISMO**

ELDONO DE GRUPO LABORISTA ESPERANTISTA **VALENCIA** (Hispanio)
 REDAKCIO KAJ ADMINISTRACIO: STRATO MAR, NUM. 25



Du junaj maŭroj, forkurintoj el faŝista kampo, kiuj nun estas fervoraj politikaj komisaroj k plenrajtaj civilianoj en nia armeo

PERSISTO! UNU JARO!

La milito de Hispanio estas vibre k fatale la milito de la mondo! Ĉiu ajna rezultato estos nepre decida por la tuta homaro. Senutile baraktas la vantaj klopodoj de la kancelarioj por trovi sorĉe formulojn de pli aŭ malpli relativa neŭtraleco. La brulanta destino de Hispanio varfas suferi la sorton de la universala politika civilizo. La du konkretaj, abrupte difinitaj, elementoj, kiuj jam dum unu

jaro en Hispanio vete ludas tragedion, forĝas la ŝtalan akson de nia konvulsia epoko. Tial, absoluta neŭtraleco de civilizitaj landoj, antaŭ rigora dilemo, nur signifas pian rezignacion por akcepti malglorre stampon de hokokruco aŭ almozon de digno k libero. Certe, post triumfo de la popolo en nia lando, neniu forto estos kapabla eviti la efektiviĝon de multaj sociaj postuloj k revoj. Inverse, se la venko estus por la Faŝismo... ho, tiam la moderna civilizo estus rikane k plene sorbita de la tuteca barbara buŝego k tre falsa programo de abomena uragana despotismo.

Ne ekzistas jam plu mezaj terminoj: la lukto jam estas tro klara k tro longa; ĉiu flanko jam scias, kion ĝi riskas gajni aŭ perdi. Komforta rolo de rigardanto estus distra se tio estus ebla. Sed tia okupo ne vakas, malgraŭ penoj de kelkaj diplomatoj, kiuj, por trafi tiun lokon, stulte perdis la tuban ĉapelon k ĉifone oferis la frakon de ceremonioj...

La militoj ĉiam, sen escepto, prezentis saman direkton: Landoj potencaj, kiuj imperialisme forglutas modestajn popolojn, k modestaj popoloj, kiuj heroe k brave frakasas la fieron de landoj potencaj. Inter ambaŭ fluoj, laŭ tiel simpla leĝo, akumuligis alterne la paĝoj en la densa volumo de la homa Historio. Nenion valoras efike do nun la bombastaj asertoj de la Demokratio, obstine svingante la ŝiraĵojn de bela standardo, pri la jura rajto de ĉiuj popoloj aranĝi mem siajn proprajn aferojn. Eŭropo scias troe, ke la normala marŝo de Hispanio estas trude barita de la fremda volo de faŝistaj nacioj. La ŝtata opinio de Eŭropo scias tion k tamen ĝi ne intervenas por eviti krimojn, kvankam la reguloj de la politika Juro tion ordonas solene. Ĝi ne intervenas, ĉar certe ĝi sentas panikon. Jesl senlima timego nodas al ĝi la manojn k balbutigas la langon. Ĝi prezentas riverencojn por murdantoj k esprimas kompatojn por la murditoj. Duobla ludo tre danĝeral Malfacila estas la moderna Diplomatio por la nervoj de personoj sub influo de teroro. Teroro tro konscia; teroro, kiu analizas la eblojn de malamiko pli atente ol la proprajn avantaĝojn.

Gajni tempon... jen absurda solvo por tiuj groteskaj pupoj, kiuj atendas ĉiutage konkretajn rezultojn per la fajro de la milito mem. Kiam faŝista premo skandale blufas, ili pensas flustre: «Eble nun solviĝas la afero... Ni zorgos poste konvinki ilin pri konveno de nia amikeco...»

Tamen, sekvantan tagon la Respubliko rezistas aŭ, eĉ pli gravel, atakas kurage; tiam la samaj figuroj filistre kalkulas: «Se ili rezistus k la faŝista vaporo estus elĉerpita... Eble tio estus bone por malapero de dorno... Ni zorgos poste konvinki ilin pri malkonveno de troa socialista fantazio...»

Intertempe flugas la semajnoj; pasis unu jaro! La tempo urĝas, ĉar la pasio muĝas. Nova malsupera opinio komprenas k premas por eviti ofendojn al nobla popolo—tiu de Hispanio—batalanta obstine, dum dek du monatoj, por pruvi tutmonde, por intima plaĉo de propra spirito, ke ne estis banala bombasto aserti fiere, ke preferinde estas ja morti stare ol vivi genufleksel

Meze de Julio, dum pasinta jaro, la hispana reakcio kun la superaj kasto de la armeo, obeinte ordonojn de fremdaj mastroj, ekbruligis meĉon de la faŝista bombo. En la komenco, ne ĉiuj taksis la gravon de la momento. Tamen ĉiuj sciis plenumi la necesajn devojn kun apoteoza entuziasmo. Sen armiloj, krom pugnoj k dentoj, kun la sola ŝildo de pasiaj brustoj, per la impeto sankta de ofendi'a digno, la popola amaso ofensive alsaltis kazernojn, sufokinte en nesto la germojn de nigra perfido, kovita de malamikoj de la vivo k agentoj de la morto.

Patro k filo, frato k fratino, junulo k fianĉino, eĉ avo k nepo! en anonima mikso, fordonis malavare la inkon de sia sango por verki la genezajn paĝojn en la lukto patosa kontraŭ la faŝismo tutmonda. En la ĉefaj urboj, el la plej riĉaj regionoj, fiaskis la komploto. Epilepsia rabio ekplodis pro tio en despotaj landoj. Vanta indiferento gliitis samtempe en kapo de demokratiaj ŝtataj gvidantoj. Nur la popolo tuj flaris klasbatalan odoron. Sed la pasio tute ne povis detruiri la muregon de glacio, kiun faris, el stultaj formalajtoj, seriozaj demokratestroj, dum arsenalo de mortiga materialo, kun lavango da soldataj sklavoj, fluadis sinsekve en la malfeliĉan zonan kie falis viktimo la popolo post furioza k longa defendo.

La civileco de tiu ĉi milito baldaŭ malaperis! En nia landa areno nepre okazis, ne nacia konflikto sed universala kolizio inter lumo k mallumo. Fajlis reakcia gazetaro pri abomenaj krimoj, pri ĥaosa konfuzo, pri frenezo, pri deliro k spasma... por kaŝi precize tiujn bildojn mem el la «naciista» parto, transformita en moderna Inkvizicio kun rafinita aldono de modernaj teknikaj metodoj

Ekfunkciis absurda komitato en Londono por eviti eksteran intervenon favoran al... legitima registaro; plenrajta kapo de popolo ne povis akiri armilojn dum bandaĉo de perfidaj generaloj, per lertaj aŭ cinikaj rimejoj, ricevis ĉion taŭgan por rabi al ni la plej homajn kondiĉojn...

Dum la daŭro de la jaro, drastajn horojn ni travivis—ni k vi, kara leganto—. En moderna milito ne sufiĉas nur kurajo aŭ heroismo. Tial falis unue Badajoz, poste Malago k fine, tre angore, la riĉa Bilbao; blindaj okuloj k surdaj oreloj eke vidis k aŭdis la voĉon de sana opinio. Jam burĝonas intereso k atento en la ĝardeno de la indiferento, kvankam tio kostis al ni la perdon de tre valoraj perloj de nia antifaŝista juvelo.

Unu jaro! la milicianoj jam estas heroaj regulaj soldatoj, kiuj en Madrido, suno radiantanta evitante nokton dum la tuta jaro, atakas k venkas antaŭen marŝante por rekonkeri tutan amplekson de sia nacio, pruvante ke tio kapablas sindona popolo kiam povas ĝi spiri la freŝan aeron de l' mondo tra libera kadro de larĝa, solida k familia fenestro.

Hispanio, dum unu jaro, militas devige pro komploto de diplomatoj kaj ribelo de perfiduloj!

AMIKA ATENTIGO

Tute intence, ni lasis flanken k ne volis tuŝi iun tiklan temon, pri kiu sin okupas, jam de kelka tempo, certa parto de eksterlandaj gazetoj k proletaj organizoj. Tamen, ĉar nia silento povas ŝajni suspektinda, ni deziras diri do kelkajn vortojn pri la afero:

La stranga sinteno de P. O. U. M. (kunfandiĝo de trokistoj kun iama bloko de eksteroficialaj katalunaj komunistoj, sub nomo de Laborista Partio por Marksisma Unuiĝo) kulminis en la absurda «revolucia» ribelo en Katalunio la 4. de pasinta Majo; tiu danĝera skuo, en la koro de nia ariergardo, tiris trompe, post si, sektoron de bonaj laboristoj. Por la hispana Registaro—nete legitima k aŭtente popola—estis nepra devo fari objektivan enketon, kiu rezultigis enkarcerigon al pluraj gvidantoj de tiu partio k malpermeson al ties presorganoj.

Ni volus, ke tiuj niaj amikoj el Tutmondo, kiuj ne estas influataj de antaŭjuĝoj, komprenus bone la problemon. Tamas ĉi tie pri organizo, kiu, sub la ŝaŭmo de tre demagogiaj devizoj, kondukis ĉiam agitece eĉ kontraŭ la antifaŝistaj reguloj de la nova situacio. Per maloportunaj postuloj, celantaj laŭdire la starigon de fronto ekstreme revolucia, ĝi subfosadis la unuiĝon de diversaj branĉoj el la antifasismo; ĝi kreis konfuzon k ofendis ampleksajn sociajn tavolojn honeste batalantajn kontraŭ la Faŝismo. Nun ankoraŭ, eĉ dum plej danĝeraj cirkonstancoj, regas en lojala Hispanio libereco por esprimi ĉiajn pensojn k opiniojn—parole aŭ skribe—. Tio permesis al P. O. U. M. ataki malfidele la fundamentojn de la Popola Fronto k eĉ senbride rekomendi malobeon al la decidoj de la Registaro.

Tiu konduto de la gvidantoj de P. O. U. M. jam de longe, meritis dubojn pri la sincereco de ilia revolucio. Fruktado de ĉi tio estis la hontindaj okazaĵoj de Majo! La ekzisto de provokistoj, en nia ariergardo, elementoj kies agitado favoras la planojn de la Faŝismo, ja ne estas fantazio nek triviala blufado sed bedaŭrinda k fakta realo. La polico—nia popola nova polico!—malplektas la fadeojn de tiu mistera fasko el plej malsamaj personoj, kies kontakto kun agentoj de la malamiko ŝajnas elpruvita. Neniu rajtas supozi, ke la Popolfronta Registaro, havanta absolute la fidon de la amaso, agos maljuste en tiu afero, kiun nun kompetentaj—ne tradiciaj—tribunaloj klarigas k studas tre zorge k skrupule.

Spionado serve al la faŝistoj; konekto kun la malamikoj, politika misorientigo por la naivaj senkonsciaj kredemuloj, facile knedebraj k kondukeblaj al katastrofa aventuro, ŝajne tre revolucia, sed fakte plene kontraŭ-revolucia, estas atentindaj faktoroj ekzistantaj en nia tendo. Vidi ilin, detruji ilin, estas elementa kondiĉo!

Nia honesteco k la speciala karaktero de nia voĉo malpermesas deklari ke ĉiuj respondeculoj de P. O. U. M. estas kulpaj. Ni mencias faktojn. Ni atendas, por la bono k normala vivo de tiu partio mem, la rezultojn de la esploro por definitiva solvo, kun la serena konvinko ke la Popola Fronto scios k povos ekstermi ĉiujn malamikojn—kie ajn ili troviĝos—por venki en la milito k por efektiviĝi, per faktoj k ne per frazoj, la grandiozan hispanan revolucion.

Paroli nun, sen racia kontrolo, pri la ombroj de Noske aŭ Kerenski estas malica ofendo por honestaj sinceraj personoj, kiuj modeste, ĝis hodiaŭ, laboris kun fervoro, sen fuŝa intenco, por la triumfo de tuta popolo k certe ne por vanta pompo de unu partio aŭ unu tendenco, ĉu politika ĉu sindikata. Zorgu do nia eksterlandaj amikoj, ne fali glite en senton de erara humaneco. Ili fidu ne nur en la kuraĝo de niaj brakoj sed ankaŭ en la saĝo de nia cerbo aŭ en la takto de nia koro. Ili devas kompreni, ke por koni funde tiun malagrablan aferon, estas necese travivi la koncernan medion. La distanco k la tendencaj informoj povas facile trompi, kredigi, ke ankoraŭ la popolo oferas sangon por ebligti persekutojn al senkulpuloj. Tio ne jam plu okazas!



ŜAJNOJ OFTE TROMPAS...

(MILITA ANEKDOTO)

Bona kamarado k fervora esperantisto el nia rondo, leŭtenanto nun en la sudaj frontoj, ĵus sendis al ni, en letero kun varmaj salutoj, la anekdoton, kiun ni plezure aperigas ĉar certe ĝi prezentas, kvankam amuze, la psikologiajn trajtojn de niaj soldatoj, post unujara milito.

Dum la semajnoj, kiuj sekvis post la kontraŭbatalado de niaj soldatoj al la faŝistaj trupoj, celantaj alproprigi al si Pozoblankon, okazis oftaj pluvoj; dum la malhelaj noktoj, faŝistaj soldatoj, forkurantaj el la malamikaj tranĉeoj, alvenis ĉiutage ĝis la niaj. Ili ĉiam venis malsekaj, sen pafilo, ofte sen ŝuoj k preskaŭ sen vestaĵoj. Ĉio estis forlasata por atingi pli rapide la respublikanajn parapetojn.

Preskaŭ ĉiuj forkuruloj estas naskiĝintaj en Andaluziaj provincoj k kiam ili troviĝas inter niaj trupanoj—multaj el kiuj estas ankaŭ de la sama regiono—ili ridegas, babildas trograndigante rakontaĵojn k preskaŭ freneziga pro ĝojo brakumante ĉiujn.

Al niaj demandoj, ili respondis, ke en la faŝistaj batalionoj, ĉiu kvaropo da andaluziaj soldatoj estas vikle kontrolata de kaporalo, kiu plej ofte estas el Galegio (nordokcidenta hispana regiono).

Iun tagon aperis la suno, kiu dum mateno k vespero radiis k sekigis la teron. Ĉi-nokte, ĉeestiĝis en niaj tranĉeoj forkuranta soldato «malamika», kiu portis sur la maniko ruĝan galonon de kaporalo. Li kunportis ankaŭ pafilon, bajoneton, plenajn kartoĉujojn, mantelon, tornistron k eĉ flankosakon.

Ĉiuj ni scivoleme demandis al li pri diversajoj. Li rakontis, ke li estis devigata atendadi plurajn tagojn, antaŭ ol li povis forlasi la faŝistojn.

—Nu, kial vi ne venis ĝis nun? Ĉu vi ne havis favoran okazon?

—Jes—li respondis—mi povus esti forkurinta pli baldaŭ, sed miaj lavitaj vestoj estis ankoraŭ akvumitaj k mi volis kunporti ilin. Tial mi atendis ĝis suna tago...

—Ĉu vi posedas monon?—demandis iu.

—Jes, mi havas ses pesetojn, kiujn havigis al mi «falangista» serĝento, al kiu mi vendis mian mantelon.

—Sed, vi kunportas ankaŭ mantelon... Ĉu vi havis du?

—Ho, ne! Estas la sama, kiun aĉetis de mi la serĝento, ĉar mi, antaŭvidinte noktan pluvon, nur akceptis vendi ĝin se la aĉetonto promesas pruntedoni al mi la mantelon nur dum tiu ĉi nokto... Ja mi bezonegis ĝin por mia planita foriro. Tiel mi havus monon k mantelon... Dum mia voĵiro al ĉi tie—daŭrigis la rakontanto—kiam mi jam estis tre proksime al vi, mi denove estis devigata reiri al la faŝista tranĉeo...

—Kial?—ni demandis avide. —Ĉu vi estis timanta ion? Eble, ke oni estis vidanta vin spione?

—Ho, tute ne, sed mi memoris subite, ke sur dorna kreskaĵo, apud la kelo en kiu mi dormis, restis forgesite miaj ŝtrumpetoj, lavitaj k jam sekaj de la suno...

* * *

Poste ni ridis multege, kiam ni eksciis, ke tiu ĉi kaporalo ankaŭ estas galegio!

S. DASI

Leŭtenanto en batalfronto de Kordobo

HONORE KVANKAM HUMORE...

En la juna numero de *Nia Gazeto* kun sufiĉa miro, ni trovis, en korekto da spritaj rimoj originalaj de konata samideano Raymon¹ Schwartz, belan antifaŝistan verseton, kiun ni ĉi-sube represas kun tre konvena ilustraĵo, honore al Madrido, kun emocia danko por ĝia aŭtoro:

Generalo Franko kun fanfar'
Anoncis jam de duonjar'
Dumintervjue.
Ke li nun sine, laŭ decid',
Promenos morgaŭ en Madrid'!!
... Estas tro frue...

Raymond SCHWARTZ



KRUELEGO KAJ HIPOKRITECO

PROMESAJ PLENUMITAJ

Generalo Franko, en respondo al la tremiganta alvoko de Prezidanto de la nobla Baska Registaro, persiste rezas ke la faŝistaj aeroplanoj detruis la regionon k pretendas kredigi al la mondo, ke la «ruĝuloj» mem masakris la popolamason de la basakaj vilaĝoj.

Antaŭ unu jaro, en intervjuo kun korespondanto de *News Chronicle*, aperinta en tiu ĵurnalo la ĉefgeneralo de la ribeluloj diris: «Por efektiviĝi mian planon mi ne hezitos, se necese, fasilpafi la duonon de la hispana loĝantaro kiel bona solvo.

Liaj subgeneraloj havis saman penson. Unu el la buĉistoj de Badajoz, la sovaĝa Yagüe, post la konkero de tiu urbo k la miloj da murdoj faritaj tie, deklaris al korespondanto de *Deutsches Nachrichten Bureau*: «La mahrapideco, laŭ kiu la armeanoj konkuras la teritorion havas avantaĝon, nome la purigado definitiva de la lando el ĉiuj ruĝaj elementoj».

La 19. Aŭgusto de pasinta jaro, la kanajla histriono Queipo de Llano bombastis per radiostacio Sevilio: «Okdeko, el cento, de andaluziaj familioj surportas jam funebrajn vestojn. Por sekurigi la finvenkon, ni senŝancele agos ankoraŭ pli rigore. Ni iros ĉis la fino k ni daŭrigos nian taskon, ekstermi eĉ la lastan marksiston».

Niaj legantoj notu bone, ke por la ribelanta generalaĉaro ĉio, kio ne estas specife faŝista, estas marksismo, ruĝa marksismo, danĝera komunismo!

Ciam la civilmilitoj en Hispanio estis terure sangaj. Tamen, la hodiaŭa

milito, aliĝita je milito por sendependeco, surpasas kun siaj kruelaĵoj ĉiujn militojn de la Historio.

Por trovi militon, iel similan al la nuntaga suferado de nia popolo, estas necese memori pri la antikvaj tempoj de la Homaro, kiam la invadantoj estis, ne armeoj sed tutaj popoloj, kiuj per atako al alia popolo celis sklavigi ĝin. Nek urboj starantaj, nek enloĝantoj postrestis vivaj aŭ liberaj. Milito estis ekstermado.

En la XX.^a jarcento la hispanaj ribeluloj k iliaj kunuloj, iliaj mastroj, la mezeŭropaj faŝistoj revivigas la tiamajn procedojn k praktikas tiuspecan militon. Mezepoko refajras!

Ekde la komenco de la Mezepoko, la nacioj provis humanigi la luktojn. Priokupis ilin la sorto de la ne-batalantoj. Iom post iom kreigis juro, kiun la registaroj agnoskis k akceptis kun respekto. Kiam alvenis la XX.^a jarcento, tiu juro ne havis kontraŭstarantojn. Male, ĝi fortiĝis per interkonsentoj k akordoj de kunvenoj internaciaj ĉe Genevo k Hago. La proponoj estis diskutataj k solene alprenataj. Civilizo ŝajnis ekzisti...

Sed ribelis la plimulto el la generaloj k oficiroj hispanaj kontraŭ legitima Registaro, en perfidego sen precedenco. Tuj la Historio malantaŭeniras jarcentojn. Kiam oni legas la raporton pri la masakro en Badajoz, verkita de la Usona gazetisto Jay Allen (kiu ĉeestis ĝin) ŝajnas, ke oni legas priskribon de iama monstra invado, fare de Atilo, de Gengis Khan aŭ


de Tamerlan. Estas la samaj metodoj. Jen kion faris la fia buĉisto Yagüe k lia leŭtenanto, laŭ menciita raporto:

«Laŭlonge de la muregoj de la urbo, ni iris al la taŭroludejo. Unu fojon, antaŭ kelka tempo, mi vidis tie la faman foreadoron Juan Belmonte, kiu vizitis tiun vesperon la lokon por vidi la virbovojn, samtempe alportataj por la morgaŭa festo. Hodiaŭ oni ankaŭ enkondukas viktimojn por la festo de morgaŭ: sendefenda homamaso kun la brakoj levitaj.

Preskaŭ ĉiuj estas junaj. Kamparanoj k metiistoj. Ili estis ĵetataj en la areno, je la kvara matene. Tie atendis ilin la mitraliloj. Post la unua nokto, la sango kovris la teron per dika tavolo. Post dek-du horoj, 1.800 viroj kun kelkaj virinoj kuŝis sen vivo. Mil ok cent korpoj ja elverŝas pli da sango ol oni povas imagi per homa menso.»

Senfina estas la listo de similaj masakroj en urboj k vilaĝoj, regataj dekomence aŭ konkeritaj de la ribeluloj. Kie ili regas, teroro regas. Generalo Mola, ĵus mortinta pro akcidento de aeroplano, ĉe komenco de la atako al la Baska Lando, minacis neniigi ĉion k ĉiujn, se la basakoj ne sin liverus senkondiĉe. Li akurate k zorgeme plenumis sian minacon.

La demento do, de «naciista» Von Franko konvinkos nenium. La faroj elokvente konfirmis la vortojn de tiuj ŝakaloj, ili plenumis siajn promesojn.



La arto ankaŭ floras, kiel tre gaja rubriko, dum bruas milito. Jen belega marmora busto de komandanto Lister, tiu simpla ferlaboristo, kiu transformiĝis en genia popola generaio por la heroa defendo de Madrido.

POR LA HISTORIO DE LA NE-INTERVENO



Germana delegito Von Ribbentrop

DATOJ KAJ CIFEROJ



Itala delegito Grandi

Antaŭ ol la komenco de la Ne-Interveno, Germanio k Italia abunde provizis la ribelulojn; sed post alpeno de la fama komitata decido, tiuj nacioj ruze perfidis konstante sian subskribon, kiel ĉiam ili agis.

Post la 20. Aprilo la Kontrolo malhelpis nenion; la ribeluloj daŭre estis provizataj de Italio k Germanio. La 15. Majo elŝipiĝis en haveno de Malago 15.000 italoj. Parto el tiuj trupoj estis komandataj de leŭtenanta kolonelo Marchi. La 24. Junio elŝipiĝis en itala haveno Civita Vecchia 8.000 soldatoj, kiuj vojaĝis al haveno de Cadiz. Du italaj armeestroj, kiuj aktive partoprenis la kampanjon de Abisenio, generaloj Badtito k Spusei, kun siaj staboj, nun komandas la «naciistajn» trupojn en la malfacila montara norda regiono de Santander.

La germana ŝipo «Amlienburg» kiu eliris el haveno de Hamburgo fine de Aprilo, alvenis en hispana haveno de Vigo, apud Portugalio. Ĝi estis komandata de germana leŭtenanto, kiu loĝis dum kelke da tempo en Vigo kie li kontaktiĝis kun aliaj germanaj pilotoj. Por falsigi la veron, la franca reakcia gazetaro skribis: «Estas kaptita grandega bolŝevika ŝipo kun militmaterialo». Tiu ŝipo vizitis denove la havenon de Hamburgo dum Maja monato, k la 15. ĝi komencis novan vojaĝon al Hispanio kun militmaterialo, sed en tiu vojaĝo la ŝipo estis nomata «Acme» k sin ŝirmis per la flago de Panamo. La ŝipanaro ricevis plialtigon de 60 % en la salajro.

La ŝipo «Schleswig» de 5.000 tunoj, kiu apartenas al *Norddeutscher Lloyd*, estis sendata denove sub la nomo «Marañon». Nun ĝi vojaĝas al Hispanio kun materialo.

La 11. Majo alvenis en Hamburgo la ŝipo «Sexta» de Flenburg kiu transportis al Hispanio kargon de trilito. La ŝipo «Sexta» transportis diversfoje militmaterialon al nia lando kun flago de Panamo. La ŝipanaro estis maldungita en Hamburgo.

La sveda ŝipo «Allegro» je la servo de linio

Woermann ŝarĝis en Bajelhaten ŝtallitojn k eliris la 14. Majo kun germana ŝipanaro. La 9. Aprilo, la dana ŝipo «Marienburg» (en Danio tute ne ekzistas ŝipo kun tia nomo, do la nomo estas falsigita) estis ŝarĝita per aviadiloj, tankoj k municio. Multaj kestoj de bomboj, kun aŝiŝoj dirantaj «Cokolado» estas ŝarĝitaj en tiu ŝipo de 5.000 tunoj, kiu vojaĝis kondukita de germanaj maristoj k kun flago de Panamo.

En tiu haveno, dum monato Marto, estas senditaj du milionoj da kartoĉoj por mitralfusiloj. Ili devenas el Karlsruhe, el la fabriko *Maschinenbau A. G.* proksima al Berlino. Tiu fabriko laboras ekskluzive por Franko.

La 13. Aprilo k sekvantaj tagoj eliris kelkaj ŝipoj kun militmaterialo, senditaj de la ŝipmastroj Kirsste.

La ŝipo «Acme» el linio *Sloman* konstante vojaĝas transportante materialon al Franko. Dum lasta vojaĝo ĝi transportis ses aeroplanojn, municion, hemiaĵojn k multajn flakonojn entenantajn fluaĵojn por produkti artefaritajn nubojn. Dum la vojaĝo kelkaj flakonoj krevis.

En haveno Hamburgo la deponejoj 33 k 34 estas utiligitaj por ricevi nur armilojn k municion. La deponejoj 31 k 32 estas jam aranĝataj por la sama uzado.

Nederlanda ŝipo estis en haveno Hamburgo, dum monato Marto, kontraŭ deponejo 28 por ŝarĝi militmaterialon destinita al Franko. La ŝipanaro sciigis pri tio, k rifuzis labori. La ŝipon oni devis malŝarĝi.

La transport-agentejo *Matthias Rhoda*, de Hamburgo, kiu kontrolis ŝipojn por sendi ilin al Hispanio, dum monato Majo sendis kvar grandajn ŝipojn kun militmaterialo. La transportado de soldatoj estas zorgata de la firmo *Ewerführer Jensen*.

Ĉiuj personoj kiuj intervenas en tiuj laboroj pri transporto, estas devigataj solene promesi pri silentado.

Kaj sinjoro Eden persiste parolas pri efiko de la Ne-Interveno, moko plej fripona de la nuna tempo!

KULTURA SOLIDARECO

INTELEKTULA RENDEVUO

La 11^a Kongreso Internacia de Verkistoj por Defendo de la Kulturo okazis solene ci-jare en Hispanio; la Kongreso ĵus kunvenigis en nia urbo, de la 4. ĝis la 10. de Julio, la reprezentantojn de ĉiuj partoprenantaj landoj.

Antifaŝistaj verkistoj el Tutmondo rendevuis en Valencio por studi helpon, kiun ili povas havigi al la hispana popolo. Ili vizitis Madridon, la koro de la hodiaŭa lukto kontraŭ la faŝismo. Ili esprimis, dum la laborkunsidoj, sian fervoran simpatian al nia gravega afero.

Elstaraj membroj de la Delegacioj, estis, inter aliaj: Heinrich Mann, Ludwig Renn, Erwin Kisch, germanaj; Geida

Greepe, Lise Landbrack, norvegaj; Jexoe Andersen, dana; M. Koltzov, Alexei Tolstoj, Ilya Ehremburg, sovetaj; Malcom Cowley, usona; André Malraux, Julien Benda, francaj; Sylvia Townsend, angla; José Mancisidor,

meksikana; Paolo Neruda, ĉila; D-ro. Brower, nederlanda; González Tuñón, argentina. El la paroladoj de kelkaj kongresanoj, ni eltiras jenajn frazojn:

TOLSTOJ—«La heroo lukto de la hispana popolo estas por ni ĉiuj, karno el nia karno k sango el nia sango»

BROWER—«Stari apud hispana popolo estas plej kristana konduto.»

TRISTAN TZARA—«En vi, k nur en vi, batalantoj hispanaj, ni agnoskas la verajn defendantojn de la moderna kulturo.»

MALCOM COWLEY—«La meŝago, kiun mi portas el Usono estas, ne tiom oferto pri helpo, kiom peto pri helpo.»

ANNA SEGHERS—«En ĉiuj lingvoj oni skribas k diras nun, ke en Madrido la lukto estas, ne por la libero de Hispanio sed por tiu de la tuta mondo.»

Ludwig Renn, dediĉis al niaj legantoj la apudan saluton.

Pere de «Popola Fronto»
mi salutas ĉiujn antifaŝistajn
Esperantistojn en la mondo

Ludwig Renn

Valencia, 4.7.32

KANTO PRI ŜIPO

de S. MARSAK

Brilis la sun' en ŝtormema veter',
 Blovis matena vent',
 Iris la ŝip' el Hispana ter'
 Al malproksim-orient'.

Naĝis la ŝip' el Hispana ter'
 Al aspirata cel'.
 Pli malvarmiĝis la mara aer',
 Pli nebuliĝis ĉiel'.

Portis la ŝipo el Hispani'
 al la Sovet-Uni'
 Gastojn hispanajn
 Kun kora salut' —
 Karajn infanojn
 De l' sud'.

Patroj pereis en sanga milit'
 Kontraŭ faŝista band',
 Sed la infanojn savas invit'
 De la amika land'.

Estos por ili Sovet-Uni'
 Nova patruj', famili'l
 Ritme frapadas la ŝip-maŝinar',
 Batas ferdeka horloĝ'l
 Dormas infanoj en litoj — po kvar
 En ĉiu kajut' por loĝ'.

Jen sin levetis unu infan',
 Vangon apogis sur man',
 Pensas li: kio okazos plu...
 Plaŭdas nur mara bru'.

Scias li: ja en Sovet-Uni'
 Estos lernejo, hejm'.
 Certe, patrece zorgos pri li
 Gvidant' en Kremlo mem.

Brilis la sun' en ŝtormema veter',
 Blovis matena vent',
 Iris la ŝip' el Hispana ter'
 Al malproksim-orientl

El la rusa lingvo tradukis,

N. V. NEKRASOV (Moskvo)

HELPO EL NOVA ZELANDO

Sanitara misio trakuras 25.000 kilometrojn por doni la varmon de sia helpo al la hispana popolo.

Per ŝipo «Mooltan» jam estas survoje al Hispanio, sanitara misio, kiun la Sindikatoj de Nova Zelando k la komitato por medicina helpo el urbo Auckland liveras al nia popolo.

Tiu komitato invitis, por la prezidanteco, la ĉefministron Michael Savage kiu, kvankam ne akceptis la postenon pro troa laboro, diris sincere ke li konsideris kiel honoron la fakton partopreni kiel membro en organizon kies celo estas havigi helpon k mildigi suferojn de viroj, virinoj k infanoj!

Eĉ el Oceanio venas la varmo de milda solidaro, en atesto de konsciol

Sagetoj pri Ne-Interveno

● Paroladis Hitler kun aroga tono en Wurzburg, k ekstremo skuis la kolonojn de la gazetaro, raportanta liajn vortojn.

Sed la flegma diplomataro angla dubis. La vortoj estis tro akraj... «Necesas oficiala konfirmo», k.t.p. Komprenible, tuj poste aperas deklaro, laŭ kiu Hitler ne diris tion, kion liaj propaj ĵurnaloj asertis k bombastigis.

Ĉiam, kiam la diktatoroj dementas siajn minacojn, okazas la sama fenomeno: la cetera diplomataro mondo spertas «sensacion de kvietigo».

Kredeble, la demokratiaj diplomatoj forgesis, ke la parolkapablo estas donita al la homo, por ke li povu kaŝi sian penson. Tiun rimedon oni povas ankaŭ uzi, kiam oni elbuŝigas intiman penson. Tiam oni faras dementon.

Por S-ro. Eden la ĉefa afero estas daŭrigi la politikon de Ne-Interveno, kiu pruviĝis plej taŭga procedo por sekurigi... la planojn de la intervenistoj!

● Sed jam la banditoj parolas sufiĉe klare. Mussolini mem verkis artikolon, kiu aperis en la gazeto *Il Popolo d' Italia* k okazigis grandan bruon eksterlande. La demokratiaj registaroj alarmiĝis tomete k ekvekiĝis ĉe ili suspekteto pri la celo de Mussolini.

Tamen, kun kristana pacienco la demokratioj esperas ke la krudaj esprimoj de tiu diktatoro mildiĝos per oportuna demento.

Tial, la putranta kadavro de la Ne-Interveno havus ankoraŭ ŝancon pri reviviĝo!

● Jes, la piratoj parolas laŭte k klare. La sabaton, 26. Junio, vespere, la Radiostacioj italaj «Firenze-Milano» disaŭdigis viglan raporton pri la partopreno de Italio en la vicjo de Von Franko. Oni diris, i.a., ke «en la lukto inter du civilizoj (faŝismo k «bolŝevismo») Italio NE RESTAS NEŬTRALA k tial, la venko de Franko estos itala venko».

Ni jam dubas eĉ pri la neŭtraleco de la demokratioj. Diversmaniere estas Franko helpata de ĉiuj. De la faŝistoj, rekte. De la filistoj, malrekte.

Sed S-ro. Eden volas fliki la kontrolon k ne interveni en la faŝistan intervenon.

● Hitler k Mussolini prezentas al la demokratioj jenan programon: «Ni alpropiĝas al ni perforte la krudajojn de Hispanio. Samtempe ni havigas al ni apogpunktojn strategiajn. Ĉion ni bezonas por pli efike ataki vin poste. Ni postulas, ke vi agnosku tiujn rajtojn, kiujn ni konkuras per milito. Estu komprenemaj. Kial vi ne akceptas nian pravon?»

La diktatoroj devus kompreni siaflanke, ke la demokratioj nur povas sin okupi nun pri daŭrigo de la politiko de «sia» Ne-Interveno k lasas al la faŝistoj la intervenajn zorgojn. Sekve, ili ne genu per klarigoj k sendu voluntulojn, aviadilojn k.t.p.

Mallonge, ili daŭrigu sian ĝisnunan laboron, sed en silento!

Kio interesas al Britio, tio estas la «principo» pri la Ne-Interveno.

● Laŭ informoj, devenintaj el la faŝista zono, la policajn funkciojn plenumas tie la germana *Gestapo*. Se oni tion permesas al ĝi, ni esperas, ke ankaŭ ĝi plenumos la saman servon en Londono.

Kondiĉe ke, la Komitato pri Ne-Interveno por savi la Pacon, rajtigu ĝin por tiu rolo.



NAJBARE KUN SIBLO DE KUGLO K FAJRO DE GRENADO KRESKADIS LA GRENO
 La pano, por nia milito, estas ankaŭ unuaklasa municio. Dum ordinara tempo, la kampoj de sekalo k tritiklo estis, en somero, scenejo de vigla k tipa laboro. Nuntempe, dum paŭzoj en batalo, la falĉiloj anstataŭas la fusilojn per la sanaj brakoj de kamparanaj soldatoj, tre gaje plenumantaj sian utilan metion. Jen ĉarma aspekto de lumaj reflektadoj sur maturaj spikoj...

Por la vera progreso de Esperanto nur estas necesa la sana medolo de libera popolo!

Kune kun ĉi tiu numero, ni ekspedas apartan folion kun *Publika Letero pri Sennaciismo*, laŭ peto de la Valencia SAT-anaro, kiu tiucele sin turnis al ni nur por ŝpari la poŝtan afrankon. Ni akceptis ĉar tiu dokumento estas objektivite verkita, havas ian rilaton kun nia specifa tasko k taaĝas por juĝi flankon de honesta opinio. Komprenoble, en tiu privata afero de grava organizo, nia rolo estas pasiva. Nia pera servo ĵure ne signifas aprobon aŭ malaprobon al enhavo de tiu folio. Kiam estis necese, ni jam parolis per nia propra voĉo. Ĉi tiu klarigeto sufiĉas por ĝusta kompreno de nia interveno k estas garantio por la respekto, kiun meritas nia estimata diverstendenca legantaro!

MOZAIKO

● Denove ni prenis multajn kaptitojn. Ili asertas, ke ne estas pli granda nombro da forkurintoj el faŝistaj vicoj, ĉar la oficiroj diras al ili ke la «ruĝuloj» murdas ĉiujn kaptitojn. Tiu konstanta propagando malhelpas la plenumon de ĉies deziro veni al niaj vicoj. Per kalumnio ĉiam oni atingas ion, laŭ konata proverbo.

● En parolado prononcita en Wurzburg, Hitler diris: «Dank' al Dio ni estas hodiaŭ sufiĉe fortaj k povas protekti nin.» Kiam oni prononcas tiujn vortojn, laŭ diktatoreca stilo, oni povas facile atingi klaran tradukon.

● Laŭ sciigoj el germana deveno, nun ekzistas en mediteranea maro, germana ŝiparo, kiu konsistas el: du kirasŝipoj kvar krosŝipoj k naŭ torpedŝipoj. Laŭ oficialaj deklaroj, tiuj militŝipoj defendas en nia maro la germanajn interesojn!

● La fama parolado de Hitler en Wurzburg ankaŭ entenis signifoplenan frazon Ĝi estas: «la germana deziro pri akiro de fermineralo en norda Hispanio estas pli grava ol ĉia konsidero pri internacia kunlaboro por la paco.» Tiu frazo ne aperas en la oficiala teksto de la parolado k ĝin oni dementis poste. Sed la unuaj germanaj raportoj k tiuj, kiujn faris la fremdaj gazetistoj entenas ĝin.

● En nia plej okcidenta fronto, en regiono Ekstrema duro, niaj trupoj energie antaŭeniras. Nia ofensivo estas nedetenebla; pro tio jam aperis tie la barbaraj metodoj.

La faŝista aviadilaro komencis ataki la pacajn vilaĝojn en ariergardo. La grava vilaĝo Don Benito estas jam duondetruita; ĉiutage nigraj aeroplanoj atakas aliajn vilaĝojn, malproksimaj de la batalfronto.

● En faŝista zono pligrandiĝas, iom post iom, la kontraŭitala sento inter la hispanoj; ofte okazas incidentoj, kiuj tion pruvas, sed ĵus okazis iore vere grava:

En Sevilja aviadkampo alvenis grupo da ses novaj aeroplanoj «Fiat». La morgaŭon matene la aeroplanoj subite bruliĝis k restis rapide detru-

taj. Ĉiuj meĥanikistoj, kiuj apartenis al tiu grupo, estis tuj fusilmortagataj.

Kiam la itala polico iris al hotelo «Majestic» por aresti la estron de tiu grupo, li memmortigis sin ĵetante tra fenestro en la straton. Li preferis morti anstataŭ fali en manojn de la kruela faŝista polico.

● Sciigoj el Gibraltaro komunikas, ke en ĉiuj hispanaj vilaĝoj, ĉirkaŭ tiu angla zono, estas disdonataj insignoj kun surskribo, kiu tekstas jene:

«Baldaŭ ni konkeros Gibraltaron.»

● La itala helpo al Franko abundas. La aviadkampo de Sarzana (Italio) estas dediĉata al hispanaj aferoj; ĉiutage eliras el ĝi aeroplanoj. Antaŭ kelkaj tagoj eliris dek unu aviadiloj, plene ŝarĝataj je bomboj. Unu el ili, pro erara manovro, eksplodis, tio falgis konstruaĵon proksime al aviadkampo. La aviadistoj pereis bruligitaj.

La aera inĝeniero Colombo laboras de antaŭ du monatoj en Hispanio sub la ordonoj de Franko, kiel teknikisto. Cento da radiostacioj por milito estas senditaj al li.

● Laŭ deklaris faŝista gravulo A. Goicoechea al ĵurnalisto de franca reaktacia gazeto *L'Echo de Paris*, la faŝista programo konsistas el: «Tuteca k aŭtoritateca ŝtato. Korporacioj sen libero. Ni ja estas katolikoj—li aldonas — profunde naciistaj k pasiaj malamikoj de demokrataj institucioj k ankaŭ de socialismo k komunismo.»

● La faŝistoj intencas krei danĝeran situacion; ĉe la nordo ili kaptis francan ŝipon *Tregastel*, kiun ili kondukis al Bilbao: En mediteranea maro, ili torpedis anglan ŝipon, kiu telegrafe petegis helpon; angla militŝipo *Penelope* ĝin serĉis vane.

● Usona ambasadoro en Londono,

JUBILEA KONGRESO DE ESPERANTO

de 7. ĝis 15. de Aŭgusto 1937.

V ARSOVIO (Polio)

Generala nova adreso de L. K. K.

Al. Jerozolimskie 39, Warszawa

W. H. Bingkam diris dum parolado: «La despotoj devigis al Anglio k al Usono la rearmadon. Akceptinte tiun devigon ni devas nepre gajni tiun veton. Ni deziras, ke kiuj serĉas militon, zorge pripensu antaŭ tiu katastrofo.»

● Laŭ fidindaj sciigoj, la generalo Franko sendis al Mussolini dokumenton, per kiu li klarigas ke la ofensivo en la Nordo kostis al li perdon de 20,000 soldatoj k 20% da militmaterialo. Nun la generalo Franko diras ke li bezonas, por daŭrigi la militon, ricevi helpon de 126.000 soldatoj, 500 aeroplanoj, 50 artileriaj baterioj k granda kvanto da tankoj.

● Forkurinta soldato el Regimento 33, raportis ke li vidis la 24 Junio en haveno Cadiz la elŝipiĝon de 8.000 italaj soldatoj k 700 maŭroj. Dum la elŝipigo du respublikaj aviadiloj bombardis la trupojn, k kvar germanaj k du italaj militŝipoj kanonpafis brue la aeroplanojn senrezulte.

● Francio anoncis al Komitato pri Ne-Interveno, ke post la 13. nunmunate ne plu restos kontrolo en franca hispana landlimo, ĝis kiam estos restarigita la kontrolo en portugala-hispana landlimo k en la marbordo.

Itala k germana gazetaroj indigniĝas pro tio, sed hipokrite silentas ke Francio alprenis tiun decidon du semajnojn post la retiriĝo de l'kontrolo fare de Portugalio; Italio k Germanio.

● Du italaj divizioj, kiujn oni preparis dum junia monato, jam eliris en vojaĝo al Hispanio. Unu estas formita proksime al Napoli, la alia en Civita Vecchia. La unua jam eliris voje al Malago k la alia al Balearaj insuloj. Ankoraŭ restas 7.000 soldatoj pretaj por tuja eliro.

● Laŭ sciigoj el franca deveno, oni konas planojn el germana stabo, pri invado al Francio tra la zono de Svisio kie ne ekzistas la linio Maginot.

Kiam oni publikigis tiujn informojn; la germana gazetaro protestis, sed novaj raportoj pri la afero konfirmas, ke la detaloj estas ekzaktaj.

● Estas solene inaŭgurita la Pavilono de Hispanio en la Pariza Ekspozicio. Per tio nia Respubliko montras al la mondo la diversajn facetojn k aspektojn de nia mirinda epopeo.

NIA GAZETA LABORO

ĝis nun, estas nur komenco k bona espero pri la vasta plano, kiun oni povas efike fari kiam la popolo helpe intervenas per mono de sia poŝto k fervoro de sia koro.

Ĉu ne estas vere ke vi ne forgesos niajn financajn adresojn?

GENERALA INTERNACIA ADRESO
nur por mono

GUSTAVE FARENC
53, Rue Brise-Pain
Poŝtekkonto 13944 Orleans
ORLEANS (Loiret) FRANCIO

ANGLIO.—K-do O. MELTON.—23 Fowler Str. Nechells, BIRMINGHAM 7

SVEDIO.—ARBETAR ESPERANTISTEN.—Bårnhusgatan 8 ö. g. n. b.,
Poŝtgiro n.º 53411. STOCKHOLM

BELGIO.—K-do M. DELFORGE.—53, Rue de Heigne,
Poŝtgiro 199106, CHARLEROI

NEDERLANDA ADRESO
nur por mono de holandanoj

PETRO van der PLANK
Van Speijkstraat, 48-1
poŝtgiro 245542

AMSTERDAM W. Nederlando

REDAKCIA ADRESO POR ĈIO ALIA

POPOLA FRONTO—Mar, 25, Valencia (Hispanio)

NIA MUNICIO

Valencia esperantistaro.	41'65	ptoj.
G. P.—Utiel.	5	>
A. G.—Haarlem.	1	gd.
C. K.—Rott. Post. Grupo.	2'50	>
G. M.—Amsterdam.	1'50	>
Sekcio 5 FLE.—Rotterdam.	2'70	>
H. K.—Imuiden.	1	>
J. O.—Imuiden.	1	>
J. S.—Imuiden.	0'50	>
A. v. W.—Imuiden.	0'50	>
A. v. d. S.—Imuiden.	0'50	>
A. v. d. Z.—Arnhem.	2	>
J. P.—Breezand.	10	>
M. C.—Heerlerheide.	3	>
C. A. v. d. V.—Rotterdam.	1'50	>
F. v. d. M.—Utrecht.	2	>
H. N.—Malmö.	20	ffr.
FET-anoj.—Toulouse.	42	>
R. M.—Los Angeles.	42'11	>
J. W. D.—Philadelphia.	10	dol.
J. V.—Praha.	50	ffr.
P. P.—Drancy.	10	>
K-do. D.—Drancy.	10	>
A. V.—Drancy.	10	>
Sekcio FLE.—Heerlen.	4'25	gd.
G. J. W.—den Haag.	1	>
Sekcio FLE.—Maastricht.	5	>
G. P. de B.—Enschede.	2'50	>
G. J. v. G.—Rotterdam.	1'50	>
D. B.—Rotterdam.	0'80	>
J. H.—Alkmaar.	0'70	>
Sekcio FLE.—Delft.	2'43	>
E. P.—Amsterdam.	1'50	>
D. E.—Zaandam.	0'50	>
J. K.—Zaandam.	0'50	>
C. J. P.—Zaandam.	0'50	>
Sekcio FLE.—Huizen.	3'55	>
Sekcio FLE.—Dordrecht.	5	>
S. J. K.—Andijk.	3	>
K-do. B.—Orleans.	5	ffr.
K-do. L.—Orleans.	0'50	>
Me. J.—Gexcy les Bois.	10	>
R. V.—Trainou.	5	>
V. R. G.—Paris.	10	>
En Usono k Kanado.—Kojektia de LEA-NA.	6	Dol.
Sekcio 2 FLE.—Rotterdam.	4	>

Presejo de J. Olmos, Alicante, 55, Valencia

LASTHORA DIPLOMATA KOMENTO

Sur la Diplomatia Fronto, niaj pozicioj lastatempe pliboniĝis. La kancelarioj ŝajne ekkompenis, ke la hispana popolamaso verŝas ankau sian sangon en defendo de alies intereso. Dum Francio komencas respondi laŭte k klare al la provokoj de la Diktatoroj, s-ro. Eden ŝajnas ne forgesi agi kiel lakeo de la diktatoroj. Mankas nun decida gesto de la laboristaro. Ke la ĵusa interkontaktiĝo de la du Internacioj ne restu senfrukta, pro hezitema manko de bonvolo al aktiva unuecfrota kunhelpado.

Ankoraŭ ni ne perdis la esperon...

INFORMEJO

ONI SCIVOLAS PRI

K do. José Martí, el Sabadell, kies adreso antaŭ la milito en tiu urbo estis: Str. Colomer, 104.

ONI INFORMAS, KE

K do. Ricardo Quiles (Kiles) havas jenan adreson: 99 Brigada Mixta. -2.º Batallón. Plana Mayor. -Ejército del Centro. (Guadalajara)

K-do. Rafael Barrufet, estas ankau en la fronto. Lia adreso estas: Comisario del 3º Batallón. -114 Brigada Mixta. POZOBLANCO (Córdoba)

K-do. Andrés Sanz, bonfartis k loĝas en la sama adreso, kie li loĝis antaŭe.

LASTA HORO

En la sektoro najbara al Madrido, nia ofensivo estis sukcesa, oni ĵus konkeris kelkajn vilaĝojn k valorajn poziciojn. La malamiko vane klopodis regajni la teronon perditan. En la aero nia supereco estas neta; dum du tagoj niaj aviadistoj faligis: 25 aeroplanojn perdinte ni nur 5.

En la norda fronto haltis la invada marŝo, k en la sudo k okcidento pliaj kilometroj liberigis k ankau en Aragono plivigligas ofensivaj operacioj.

POPOLFRONTA LETERUJO

D. D.—Barcelona.—Ni ricevis kun dankemo 25 ekzemplerojn de via ŝatata Lernolibro.

J. H. S.—Ĉelabinsk.—Antaŭdankon pro via anoncita librosendo, kiu ne jam trafis nin. Ni intencas plenumi vian peton laŭpove.

C. C.—Alicira.—Ni notis la enhavon de via letero k konstata vian bonvolon.

G. R.—Sektoro Perdiguera—Vi ricevos regulu «P. F.». Ne estas por ĝi fiksa abonprezo. Ĉiu leganto monhelpas laŭ sia eblo.

S. D.—Alcaracejos—Ni profitas la anekdoton, kiun vi verkis. K-do. V. B. dankas vian konsilon k salutas vin tre kore.

P. v. d. P.—Amsterdam—Ekde kiam vi plendis la unuan fojon, ni ne plu afrankis ĉiamaniere. Do novaj plendoj de vi ricevitaj devas rilati al antaŭaj poŝtaĵoj.

N. N.—Moskvo—Kun emocio k altesimo ni ricevis vian koran leteron k tradukon, kiu aperas en ĉi tiu numero.

B. H. L.—Rotterdam—Ni dankas vian Sekcion k vin pro la sendita mono. Okaze de nova sendo, bonvolu uzi la peradon de k-do. Van der Plank, ĉar tiel la afero estas al ni pli profitdona en pesetoj. Viaj vortoj pri Popolfronto estas ĝustaj. La ideo nur tre penige traboras certajn cerbojn. Ni ĝojuis se nia plano ceesti la Kongreson sukcesus, kiel ni esperas.

J. S.—Rotterdam—Ni sendas la libreton al via amiko en Barcelona. Laŭ nia scio, la sendaĵoj al batalantoj en la frontoj nur prokrastiĝas ofte pro la translokiĝoj, sed malofte perdiĝas. Tamen, ni restas ĉiam je via dispono por helpi vin trafi viajn konatojn en Hispanio.

T. A.—Bedwas, Mon—Viajn afablajn vortojn ni kordankas k multe ni estimas laŭdojn kiel la vian, kiu kuraĝigas nin. Ni notas la adresojn. Ĉiuj ricevos nian bultenon.

J. M. B.—Cedrillas (Fronto Teruel)—Ni ĝojigas via opinio pri nia laboro. Danke ni akceptis vian mondonacon.

L. C.—Cedrillas—Ankaŭ ni ricevis agrablan leteron de vi kun favora opinio pri nia tasko k mensendo. Pro ĉio ni vin dankas.

H. N.—Gravenhage—Per la aparta poŝto ni skribas al vi pri la afero, kiun traktas via estimata letero de la 4-a. kuranthone.

RIMARKIGO—Ni rekomendas, ke ĉiuj poŝtaĵoj al la lojala zono en Hispanio, surhavi la indikon. «Via Cerbère-Barcelona» por eviti, ke ili trafu la faŝistan teritorion.

KORESPONDADO

Simpla trilinea anonceto 4 f. fr.

ĈINIO—Peiping—Koresponda Fakdo de Naciliberiga Avangardo dez. kor. kun ĉ. 1. gekdoj, precipe intersangi gaz. bul. librojn esp. bildojn aŭ fotojaĵojn. P. M. aŭ P. K. 1. Respondo garantiata k rekompenco nepra.
Adreso: K. F. N. A. ĉe «LA LUMO DE ESPERANTO» Shgie Rhbao; Peiping

HISPANIO—Valencia—Antifaŝista Grupo aranĝas ekspozicion pri la internacia helpp al la hispana lukto. Por tiu celo oni bezonas ĉiuspecan grandkvantian materialon: afiŝoj, gazetoj, poŝtkartoj, markoj, k. t. p. Adreso: M. Monleon, str. Francisco Sempere, 44-1. Valencia (Hispanio)